

ASUNTU NE'EBÉ PRESIZA ATENSAUN

Total Insidentes ne'ebé relata

Distritu	Out	Nov	Dez
Lautem	2	2	3
Covalima	2	1	5
Dili	13	20	18
Viqueque	5	6	11
Aileu	3	7	3
Ainaru	9	6	4
Ermera	4	2	8
Baucau	6	5	5
Manatutu	4	4	1
Manufahi	6	8	8
Oe-cusse	2	3	1
Liquiça	5	8	6
Bobonaru	3	5	3
Total	64	77	76

Maske, iha redusaun ba numeru insidente entre fulan Novembru no Dezembru, 2011, hatudu tensaun konflitu sei nafatin kontinua.

TENDENSIA KONFLITU

Insidente Relasionadu ho Juventude

Insidente ne'ebé involve Juventude: 25 (fulan kotuk: 19)

Insidente ne'ebé involve grupu arte marsiais: 6 (fulan kotuk: 2)

Involvementu grupu joven iha violensia kontinua sae no hamosu preokupasaun iha bairo, familia, suku durante fulan Dezembru 2011. Monitorizasaun hatudu katak insidente hirak ne'ebé temi, mosu tanba odio malu, sadik malu no ligasaun ho involvementu iha konfrontasaun entre grupu joven. Nune'e mos hahú husi konflitu entre joven sira idak-idak hafoin daet sai to'o grupu joven entre bairo, entre aldeia involve iha insidente ida. Evidensia hatudu katak insidente maioria akontese durante tempu festa, halibur hamutuk iha presepiu oin no iha dalan. Rezultadu husi insidente hirak ne'e fo impaktu ba komuidade nia uma balu hetan rahun, no joven sira ne'e balu hetan kanek. Hanesan insidente ne'ebe akontese iha dia 02 de Dezembru 2011, iha Aldeia Mate la Hotu, Suku Comoro, Subdistritu Dom Aleixo, joven ida hetan sona. Nunemos, impaktu husi insidente tan ne'ebé akontese hetan joven kanek iha Sub distritu Ainaro Vila, Suai Vila, Maliana, Baucau Vila, Bazartete, Fatuberliu nomos Subdistritu Ossu.

Grupú Arte Marsiais Fulan ida ne'e, konflitu ne'ebé involve grupu arte marsiais sae hanesan elementus signifikante, ne'ebé fó impaktu to'o ema mate. Hanesan insidente iha dia 19 de Dezembru 2011, iha Aldeia Moris Foun, Suku Comoro, Sub-distritu Dom Aleixo. Maske "Estadu de Sítu" lao ona, Polisia nia patrolha seidauk ho masimu intermus responde ba prevensaun iha fatin ne'ebé mak risku maka'as iha Suku Comoro no grupu ruma halo actividades iha kalan nafatin.

Nune'e mos insidente ne'ebé fó impaktu to'o ema hetan kanek, estraga komuidade nia uma, akontese iha Sub-distritu Letefoho, Hatolia Vila, Baucau Vila, Dom Aleixo no Sub-distritu Bobonaru. Insidente sira ne'e kontinua sae tanba relasaun interligadu ba odio malu husi insidente ne'ebé akontese tiha ona, no prosesu formal ou justisa ba insidente ne'e presiza tempu ne'ebé naruk. Depois de analizasaun klean ba Relatorio husi Komondante Jeral PNTL durante fin de Dezembru, Konsellhu Ministru foti desizaun atu para lai autorizasaun ba praktika actividades husi organizasaun Artes Marsiais hirak ne'be foin daudauk involve iha provokasaun instabilidade, violensai ka krime ruma. Desizaun ne'e inklui bandu (par alai) trainamentu no praktika artes marsiais nomos liu-liu bandu duni atu mobilize ema atu tama grupu ne'ebe halo praktika baa rtes marsiais to'o 21 Dezembru 2012.



Generously supported by the
Irish Department of Foreign Affairs,
Conflict Resolution Unit.



REVISAUN SITUASAUN: Dezembru 2011

ASUNTU NE'EBE PRESIZA ATENSAUN

Aktividade Partidu Politiku

Periodu kampanya Prezidensial besik mai dau-daun ona, monitorizasaun ba dadus fulan Dezembru hare ba atividade partidu politika nian aumenta divizaun iha komunidadade relasiona ho tomada de posse ba estrutura partido hanesan iha Viqueque, Dili, Baucau, Aileu no Ermera, durante Dezembru..

Iha Baucau, dia 02 de Dezembru 2011, iha Suku Wailili, Subdistritu Baucau Vila, akontese insidente ema deskoinesidu sunu uma ida, iha tempu kalan boot, durante tempu uma-nain ba tuir tia kongresu partidu PD-nian iha Dili. To'o agora Polisia la hetan suspeitu, maibe halo hela investigasaun.

Iha Dili, nafatin seidak iha konsensus entre estrutura Partidu ASDT. STL, 5 Janeiro 2012, Partidu ASDT husi kubu Sr. Fransisco Xavier nian, la rekuinese nafatin Sr. Gil Alves nu'udar Sekretariu Jeral partidu ne'e nian. Aktu politiku ne'e latuir desizaun tribunal Rekursu foti ona desizaun katak, ofisialmente rekuinese estrutura tuan ASDT.

Nune'e mos iha Viqueque: area Maukiak, iha Subdistritu Uatulari, militante partidu CNRT nain rua, sae motor husi uma atu ba Ailembata hodi prepara fatin ba atividade partidu CNRT nian. Bainhira to'o fatin grupu balu tolok no tuda sira. Rezulta ema nain rua kanek iha isin lolon no kotuk.

TENDENSIA KONFLITU

Insidente ligasaun ho Tua Manas (alkohol)

Rezultadu insidente ne'ebe fo impaktu resulta to ema mate, hanesan iha Subdistritu Same, akontese insidente mane nain tolu hemu tua hamutuk, no sira lanu hotu. Bainhira sira lanu, sira diskuti malu no mane ida halai ba foti dima no sira baku malu to'o mane ida mate kedas. Insidente ne'e Polisia halo ona prosesu investigasaun. Suspeitu hato'o deklarasaun iha Tribunal Suai, no suspeitu agora sei hela iha uma, hodi hein prosesu kontinuasaun husi Tribunal Distrital Suai. Evidensia hatudu fulan Dezembru tanba loron feriadu no movimentu joven sira ba mai atu tama tinan foun 2012, tua manas rasik iha mos risiko boot tanba kuandu ema lanu aumenta risiko ba sira atu provoka konfliktu nomos kria violensia domestika. Insidente tan akontese iha Subdistritu Lautem, Bazartete, Manatutu vila, Baucau Vila, Dili, Covalima, Manufahi, Alas, Uatulari no Laulara.

Krime Ne'ebe Iha Investigasaun

Iha dia 30 de Dezembru 2011, iha Aldeia Teka Hudi laran, Suku Lahane, Subdistritu Vera Cruz, membru PNTL husi Batalion Orden Publiku (BOP), hetan sona husi ema deskoinesidu. Kazu ne'e, sei iha investigasaun polisia nian.

Insidente rua mos akontese iha Viqueque. Dahuluk iha sub-distritu Viqueque Vila, area Leri Patu Suku Uma Uain Leten. Insidente ne'e, agora rezistu ona iha Tribunal Baucau. Insidente ne'e hahu husi mane nain rua ba halo lutu iha nia to'os. Derepentini mane nain rua husi kotuk baku sira nia kotuk. rezulta mane ida hetan kanek. Insidente daruak, iha Sede suku Caraubalho, Subdistrituiha Viqueque Vila, kalan ema deskoinesido estraga vidru janela sede nian no tama ba sede hodi hasai fos sub side nebe atu fahe ba ema vulneravel sira. Insidente ne'e polisia hao ona prosesu investigasaun.

Iha Subdistritu Lospalos, iha Aldeia Central, Suku Fuiloro, estudante husi Escola Secundaria Koni Santana diskuti malu ho profesores no estraga fasilidade eskola nian, tanba la liu izame Nasional.

Disputa Rai

Disputa kona-ba asesu rekursus naturais, rai no propiedade nafatin akontese iha nasaun laran. Maioria disputa akontese hodi reklama ba nain ba rai ou uma, nomos disputa entre toos- nain sira konaba uza toos. Hanesan iha aldeia Arleu, Suku Mauubu, Subdistritu Hatulia, akontese insidente joven mane ida baku katuas ida to'o kanek, tanba deit halo tos liu tiha baliza. Nunemos insidente liga ba disputa rai akontese iha Sudistritu Lautem, Viqueque, Ermera, Manufahi, Oe-cusse no Liquica.

REVISAUN SITUASAUN: Dezembru 2011

ASUNTU NE'EBE PRESIZA ATENSAUN

Konflitu entre Membru Familia

Relatoriu hatudu konflitu entre membru familia, iha fulan Dezembru 2011, hamutuk (7). Iha fin de tinan familia balun halibur malu hodi reflata ba situasaun tinan nian atu bele hametin relasaun; maibe dala ruma ema balun mantein sira nia pozisaun no loke tan konflitu tuan. Hanesan iha Suku Lauhata, Sub distritu Bazartete, Alin ida fó moral ba nia maun ne'ebé hanesan kaben nain. Maibe oan husi maun lasimu ho asaun ne'e, hodi sai to'ó baku malu. Maske la rezulta ema kanek, familia halo kedas prosesu mediasaun hodi dame malu kedas.

Parte seluk kultura Timor, maioria oan feto atu forma uma kain, sempre iha barlake (belis), maibe ema balun komprensaun la hanesan kona-ba valor no impaktu husi "barlake (belis)". Hanesan, iha Suku Caraubalho, Subdistritu Viqueque Vila, akontese oan mane baku Aman, tanba Aman hakarak mane foun fó barlake (belis) molok oan feto atu forma uma kain. Maibe oan mane la aseita ho sistema kultura hodi fó barlake (belis).

Insidente liga ho Subsidi Sosial husi Governu

Maske numeru ladun signifikante iha fulan Dezembru, insidente konflitu rua mosu liga ba Subsidiu Sosial husi Governu. Iha Suku Vemasse Tasi sub Distrito Vemasse, joven ida mai husi suku CauCua ho katana ameaasa katuas ida ne'ebé simu ona osan terseira idade hodi hadau katuas no foti nia osan hamutuk \$200. Insidente seluk iha Sub-

distritu Ossu, mane ida husi suku Ossorua les tiha avizo lista naran veteranus nian ne'ebé taka iha quadru avizo. Polisia kaptura kedas joven ne'e hodi ba stasaun polisia.

Dezastre Naturais

Fator dezastre naturais kontinu sai nudar parte substansial fó impaktu ba comunidade balu lakon nia uma. Iha Aldeia Weali, Suku Uma Kaduak, Subdistritu Lacro (Manatuto), kondisaun no klima ne'ebé aat, depois de udan- boot estrga tiha uma kain hamutuk 22 nia uma. Secretario Estado Dezastre Naturais (MSS) fó apoiu umanitariu ba familia sira ne'e. Nomos F-FDTL apoiu transporte tula populasaun hodi halo evakuasaun ba fatin ne'ebé seguru.

RESPONDE BA KONFLITU

Prevensaun ba konflitu iha comunidade

Rede Prevensaun no Responde Konflitu (RPRK) suporta husi Belun, fasilita sosializasaun oinsa prevene konflitu iha comunidade no prevensaun violencia iha eleisaun, ne'ebé halao iha Subdistritu Fatuberliu iha dia 17 -18 de Dezembru no Alas (Manufahi) iha dia 20-21 de Dezembru. Belun-nia programa "Resolusaun Disputa iha Mediasaun" lao prosesu resolusaun disputa rai ba familia 18 ba kazu 8 durante Dezembru.

Eventu Nasional Hari Dame

Belun Parseria ho Gabinete do Primeiru Ministru, liu hosi proogama "Hametin Dame" ne'ebé hetan apoiu hosi Asesor Sosiadade Sivil Primeiru Ministru nian, halao eventu Semináriu Nasional hodi halo refleksaun hamutuk entre Partidu Politika ba prevene violencia iha eleisaun, iha Salaun João Paulo Comoro, Dili (dia 20 de Dezembru). Nomos halao eventu "Open House," hodi desimina infomasaun; haforsa papel Rede ba Rai no Belun-nia papel ba mediasaun atu resolusaun ba disputa rai iha dia 9 de Dezembru.

REVISTA KONA-BA SITUASAUN NE'E

Revista situasaun ne'e relata kona-ba asuntu xave relaciona ho insidente violencia no tendensia husi koleksaun data emerzencia liu husi sistema Early Warning, Early Response (EWER)-Timor-Leste durante Dezembru 2011. Belun esforsu atu fahé informasaun ne'ebe up-to-date no serteza. Hanoin katak situasaun bele hetan mudansa ho lalais, ami agradese no simu informasaun seluk ne'ebe bele klarifika ka update data ne'ebe ami iha liu husi EWER. Favor email EWER nia Program Manager Bylah Da Costa: bylah.belun@gmail.com.